

Esselamu alejkum we rahmetullah

"Šehru ramadane elezi unzile fihi -l-Kur'an, huden linnasi ve bejjinatin mine-l-huda ve-l-furqan...."

U mjesecu Ramazanu počelo je objavljivanje Kur'ana, koji je putokaz ljudima i jasan dokaz Pravoga puta i razlikovanja dobra od zla. (Kur'an Časni, sura el- Bekare 185 ajet)

Poštovane džematlije, nadamo se da Vas ova obavijest zatiče u dobru zdravlju i rahatluku u ovo vrijeme pandemije Corona virusa koji je mnogima od nas dosta otežao živote, ograničio i poremetio mnoge naše poslove, aktivnosti i planove. Obraćamo Vam se ispred Odbora džem'ata Feldkirch, Vorarlberg.

Prošla godina je bila izuzetno teška jer smo morali odustati od naših redovnih druženja, Ramazani Šerif je bio skoro bez ikakvih sadržaja, a vanredne aktivnosti poput Kermesa i ostalih dobrotvornih akcija gdje se prikupe značajna sredstva, nisu se mogle nikako održati. To je uzrokovalo da smo ostali prikraćeni u onome što je prijeko potrebno u izgradnji našega Centra i jačanju džem'ata.

U prilogu ovoga pisma šaljem Vam ramazansku vaktiju i odredbe o ponašanju tokom Ramazana koje nam je poslala IZBA. Kao što znate, Ramazani Šerif počinje u utorak 13.4.2021. Teravijah namaz će zbog ograničenih mogućnosti i restrikcija vezano za pandemiju COVID 19 biti obavljan sa osam rekata. Vrijeme teravijah namaza pratiti će jacijsko vrijeme. Stroga je preporuka da se nose PPF4 maske, koristi dezinfekcija, nose vlastite sedžade. Preporučeno odstojanje između osoba je 2 metra u koliko je to izvodljivo. Također smo zamoljeni da se ni u kojem slučaju ne okupljamo i ne zadržavamo ispred džamije prije ili poslije obreda u džamiji. Rukovanje i grljenje nije dozvoljeno. Da ne rizikujemo kazne i sankcije sebi i našoj Zajednici, molimo Vas da se držite svojih uputa. Za sve koji budu željeli i imali vremena, iza ikindije organizirana je ramazanska mukabela.

Ovim putem Vas pozivamo da se u skladu sa Vašim mogućnostima i situacijom ograničenim uslovima obavljanja ibadeta i okupljanja u našem Centru, uključite u realizaciju daljnje rada i zalaganja na završetku i dovodjenju u funkciju naše Zajednice.

Mahsus selami i Ramadan Šerif Mubarek Olsun.

IZVRŠNI ODBOR BMZ VORARLBERG, DŽEMAT FELDKIRCH